# অঙ্গ দান সম্পর্কিত তথ্য







## অ্যাঞ্জেলিকা, একটি হৃৎপিণ্ডের জন্য অপেক্ষা করছেন

18 বছর বয়সে, অ্যাঞ্জেলিকার হৃদযন্ত্রের অকার্যকারিতা ধরা পড়ে যা সন্তুবত 4 বছর বয়সে প্রদান করা জীবন রক্ষাকারী কেমোথেরাপির ফলাফল ছিল। তার রোগনির্ণয়ের এক বছর পর, অ্যাঞ্জেলিকা একটি লেফট ভেন্ট্রিকুলার অ্যাসিস্ট ডিভাইস (LVAD) স্থাপন করার জন্য অস্ত্রোপচার করান, যা তার সারা শরীরে রক্ত পাম্প করে তাকে বাঁচিয়ে রাখে। তার অসুস্থতা তাকে স্কুলে যাওয়ার চেয়ে বা বন্ধুদের সাথে দেখা করার পরিবর্তে তাকে বেশিরভাগ সময় বাড়িতে বিশ্রাম করতে বাধ্য করে। অ্যাঞ্জেলিকা বর্তমানে হৃৎপিণ্ড প্রতিস্থাপনের জন্য অপেক্ষা-তালিকায় রয়েছেন। তিনি তার সেল ফোনটি সর্বদা নিজের কাছে রাখেন কারণ তিনি সেই ফোন কলের জন্য অপেক্ষা করেন যা তার জীবন বাঁচাবে। তিনি সেই দিনের স্বপ্ন দেখেন যখন তিনি আরও সুস্থ, স্বাভাবিক জীবনযাপন করতে পারবেন এবং যখন ভবিষ্যতের জন্য পরিকল্পনা শুরু করতে পারবেন।

## অঙ্গ দান করার প্রয়োজনীয়তা



ডায়াবিটিস এবং উচ্চ রক্তচাপ একটি প্রতিস্থাপনের প্রয়োজনীয়তার দিকে নিয়ে যেতে পারে।



নিউ ইয়র্কে প্রায় 9,000 জন মানুষ একটি জীবন রক্ষাকারী প্রতিস্থাপনের জন্য অপেক্ষা করছেন।



মার্কিন যুক্তরাষ্ট্রে প্রতিদিন গড়ে 20 জন মানুষ জীবন রক্ষাকারী প্রতিস্থাপনের অপেক্ষায় থেকে মারা যান।

### অঙ্গ দান সম্পর্কে তথ্য



যেহেতু অঙ্গ দান জীবন বাঁচায়, সেহেতু প্রধান ধর্মগুলি এটিকে দয়াশীলতার চূড়ান্ত নিদর্শন হিসাবে উদযাপন করে।



অঙ্গ দান এমনকি কিছু শারীরিক রোগাবস্থা থাকলেও করা সম্ভব।



নিউ ইয়র্কের সবচেয়ে বয়স্ক দাতার বয়স ছিল 93 বছর।



অঙ্গ দান প্রক্রিয়া ন্যায্যতা এবং সমদর্শিতা নিশ্চিত করতে কঠোর নির্দেশিকা অনুসরণ করে।



একটি অঙ্গ দাতা হিসাবে নিবন্ধন করা আপনার চিকিৎসা পরিচর্যা পরিবর্তন করে না।

1 জন অঙ্গ দাতা কোষকলা দানের মাধ্যমে ৪ টি জীবন বাঁচাতে

এবং 75 টি পর্যন্ত জীবনকে নিরাময় করতে পারেন

## অঙ্গ দান কীভাবে করা হয়?

মৃত ব্যক্তির অঙ্গ দান হল একজন দাতার মৃত্যুর পর তার থেকে অঙ্গ অপসারণ করা এবং সেগুলিকে দিয়ে একজন জীবিত ব্যক্তির অকেজো হয়ে যাওয়া অঙ্গকে প্রতিস্থাপন করার প্রক্রিয়া।

> একজন রোগীকে অবশ্যই অঙ্গ দাতা হিসেবে সাইন আপ করতে হবে। যদি তারা কখনও সাইন আপ না করেন, তাহলে রোগীর পক্ষ থেকে পরিবারের একজন সদস্য বা হেলথকেয়ার প্রক্সির দ্বারা অবশ্যই লিখিত অনুমতি মঞ্জর করতে হবে।

একজন রোগীকে মৃত ঘোষণা করা হলে, হাসপাতালের থেকে একটি পৃথক সংস্থা, LiveOnNY, দান প্রক্রিয়ার তত্ত্বাবধান করে।

অঙ্গগুলি সুস্থ আছে কিনা তা নিশ্চিত করতে এবং প্রতিস্থাপনের অপেক্ষা তালিকায় থাকা চাহিদাযুক্ত পরবর্তী ব্যক্তির সাথে মেলানোর জন্য দানের সময় পরীক্ষাগুলি করা হয়।

LiveOnNY যথাযথ প্রাপকের সাথে দান করা অঙ্গগুলিকে মেলাতে পরীক্ষার ফলাফল এবং একটি কম্পিউটারাইজড সিস্টেম ব্যবহার করবে। মেলানো কখনই জাতি, লিঙ্গ, ধর্ম, আয়ের অবস্থা, সামাজিক অবস্থান বা খ্যাতি অনুযায়ী হয় না।

সুস্থ অঙ্গ পুনরুদ্ধার করা হয় এবং প্রতিস্থাপন করা হয়।

অঙ্গ দান সম্পর্কে আরও তথ্যের জন্য দেখুন LiveOnNY.org/info

# একটি দীর্ঘস্থায়ী উত্তরাধিকার রেখে যাচ্ছেন

অঙ্গদান হল মহান করুণা এবং উদারতার একটি কাজ যা অন্যদের বাঁচতে সাহায্য করতে পারে। অনেক পরিবার তাদের প্রিয়জনের দাতা হয়ে ওঠার কথা জানিয়েছে, যা তাদের শোক থেকে উঠে আসতে এবং প্রিয়জনটির জীবন বাঁচানোর উত্তরাধিকারকে সম্মান করতে সাহায্য করেছে।

> "মাইকেল একজন কোস্ট গার্ড ফায়ার ফাইটার ছিলেন এবং অন্যদের সাহায্য করার জন্য তার সবসময় একটি দৃঢ় ইচ্ছা ছিল। মাইকেল যখন মারা যান, তিনি তার অঙ্গ দান করেছিলেন এবং 5টি জীবন বাঁচিয়েছিলেন। তার হৃৎপিণ্ড পেয়েছিলেন রোক্সান, যাকে আমরা বছরের পর বছর ধরে জানতে এবং ভালবাসতে পেরেছি। আমার ছেলের হৃৎপিণ্ড পাওয়ার জন্য আমি এর চেয়ে ভাল ব্যক্তির কথা ভাবতে পারি না। আমরা খুব গর্বিত যে মাইকেলের উত্তরাধিকারের মধ্যে রয়েছে অন্যদের বাঁচতে সাহায্য করা।"

#### -জন, দাতার পিতা

"যখন আমাকে আমার ছেলের অঙ্গ দান করার বিষয়ে হাসপাতালে জিজ্ঞাসা করা হয়েছিল, আমি নিশ্চিত ছিলাম না যে এটি একটি ভাল ধারণা ছিল কিনা। তখন আমি আমার নাতি-নাতনিদের সাথে কথা বলেছিলাম এবং তারা বলেছিল যে সে অন্যদের সাহায্য করতে চাইত, তাই আমরা দান করার জন্য হাঁা বলার সিদ্ধান্ত নিয়েছিলাম। আমরা খুবই কৃতজ্ঞ যে আমি এই সিদ্ধান্ত নিয়েছিলাম। এখন আমি স্বেচ্ছাসেবী হিসেবে কাজ করি এবং অন্যদের গল্প বলি যে কীভাবে অঙ্গ দান আমাদের পরিবারকে শোক থেকে উঠে আসতে এবং আমার ছেলের উত্তরাধিকারকে সম্মান করতে সাহায্য করেছিল।"

#### -কারমেন, দাতার মা

## ভক্তি, অঙ্গ দাতা

ভক্তি একজন চিকিৎসক ছিলেন যিনি অন্যদের সাহায্য করার জন্য তার জীবন উৎসর্গ করেছিলেন। যখন তিনি 70 বছর বয়সে মারা যান, তখন তিনি নিবন্ধিত অঙ্গ দাতা ছিলেন না তাই সিদ্ধান্তটি তার পরিবারের উপর ছেড়ে দেওয়া হয়েছিল। "তার মৃত্যুর আগে আমরা কখনও অঙ্গ দান নিয়ে আলোচনা করি নি। যদি আমরা এটা করতাম তাহলে এটা সহজ হতো," তাঁর মেয়ে রাখি মনে করেন। "আমার মা একজন চিকিৎসক ছিলেন যিনি অন্যদের যত্ন নিতেন এবং মানুষকে সাহায্য ক র েত প্রতিশ্রুতিবদ্ধ ছিলেন। এটা আমার পরিবারকে তার অঙ্গ দান করার সিদ্ধান্ত নিতে সাহায্য করেছে।" ভক্তি দুজনকে জীবন উপহার দিয়েছিলেন। রাখি বলেন, "আমার মায়ের অঙ্গ দান করা আমার পরিবারের গ্রহণ করা সবচেয়ে ভালো সিদ্ধান্তগুলির মধ্যে একটি।" "যখনই কেউ আমাকে তাঁর সম্পর্কে জিজ্ঞামা করে তখন আমার তাঁর অন্যদের জীবন বাঁচানোর কথা বলতে আনন্দবোধ হয়।"

## আপনি কীভাবে সাহায্য করতে পারেন?



দানের আরও গল্পের জন্য সোশ্যাল মিডিয়াতে আমাদের ফলো করুন @LiveOnNewYork



জীবন বাঁচানো এবং অন্যদের সাহায্য করার উপায় হিসাবে অঙ্গদানের জন্য আপনার ব্যক্তিগত ইচ্ছা এবং সমর্থন সম্পর্কে আপনার প্রিয়জনের সাথে কথা বলুন।



একটি নিবন্ধিত অঙ্গ দাতা হিসাবে সাইন আপ করুন। LiveOnNY.org দেখুন



# **LiveOn**NY

LiveOnNY হল একটি লাভের উদ্দশ্যহীন (নন-প্রফিট) সংস্থা যা বৃহত্তর নিউ ইয়র্ক সিটি এলাকায় অঙ্গ দান এবং প্রতিস্থাপনের সুবিধা প্রদান করে। বর্তমানে একটি জীবন রক্ষাকারী অঙ্গ প্রতিস্থাপনের জন্য অপেক্ষারত প্রায় 9,000 জন নিউ ইয়র্কবাসীকে জীবনের উপহার দেওয়ার জন্য আমাদের দলগুলি স্থানীয় হাসপাতাল এবং প্রতিস্থাপন কেন্দ্রগুলির সাথে

কাজ করে। আমরা অঙ্গ দাতাদের পরিবারের যত্ন নিই যারা নিঃস্বার্থভাবে জীবনের উপহার দেন, দানের শক্তি সম্পর্কে জনসমাজকে শিক্ষা দেন এবং যারা জীবন রক্ষাকারী প্রতিস্বাপনের জন্য অপেক্ষা করছেন তাদের হয়ে ওকালতি করেন।

LiveOnNY.org-এ অঙ্গ, চোখ এবং কোষকলা দান সম্পর্কে আরও জানুন যোগাযোগ: <u>Communication@liveonny.org</u> | ফোন: 646-291-4444